



# Эжва йывса войтырлөн газет

Петö 1929 восянь

Субöта, 2011 вося август 20 лун

101-102 (10377)-öд №

## ҮДЖЫД ЮБИЛЕЙÖН ЧОЛÖМАЛÖМЪЯС



Чужан лунöн,  
Коми му!

**Коми**  
республикалы

90



Асьным бөрйим тайö мусö,  
Кодöс шоньдöн он шу.  
Медся дона, медся муса  
Лунö бана чужан му.

Сöмын тасянь ылöдз кылам,  
Сöмын танi гажным тыр.  
Варыш пиа, чужмөр ныла  
Коми му оз некор быр!

**Василий Лодыгин.**



Коми муöй, ов да выв,  
Тэкöд öтув Эжва йыв!



**Коми республикаса пыдди пуктана олысьяс!**

Став сёлöмсянь чолöмалам миян республикалы 90 во тырöмөн!

Тайö праздниксö пасйöмөн, ми нöшта öтчыд висьталам асланым ичöt рöдина, ставсьыс мича му динö муслун йылысь. Муöдз копьртчылам ас муывьсаяслы, кодъяс отсалисны дорйыны сьöкыд война воясö аймунымöс, кодъяс сиисны асьыныс олöмнысö ас чужан му сөвмөдöмлы.

Россиялөн экономикаын Коми республика век босьтис тöдчана места. Сылөн эрдъяс вылын мупытшса ыджыдсьыс-ыджыд озырлунъяс - оз весьшөрö шуны миянлысь мунымöс «Россиялөн кудйөн». Но республикалөн медся ыджыд озырлуныс - тайö сылөн йöз, кодъяслөн сёлöмныс нэм кежлö йитчöма татчöс эрдъяслөн вöвлытöм мичлункöд.

Миян вынним - аслыспөлöс-лунын. Народъяслөн да национальностъяслөн унапöлөс серьясысь артмö öтувъя мича сер. Ставөн, кодъяс чужисны Коми му вылын, тыр эскöмөн вермасны шуны, мый уджавсьö да овсьö танi кыпыд лолөн. Кодъяс волисны миян республикаö көть öтчыд, пыр кежлö колисны сийöс асланыс сёлöмъясö.

Тайö праздник лунъясö сиам тиянлы став сёлöмсянь ён дзоньвидзалун, шуд, уджын вермөмъяс, быд керкаын судзсяна олöм, быд бурсö став босьтчöмын республикалөн да Россиялөн дзоридзалöм могысь.

Праздникөн, дона ас муывьсаяс!

**Коми республикаса юралысь.  
Коми республикаса  
Государственной Сöвет.  
Коми республикаса  
правительство.**



**Кулөмдин районса пыдди пуктана олысьяс!**

Август 22 лунö Коми республика котыртчөмсянь тырö 90 во. Тайö лунсö виччысьöны Эжва йывлөн быд пельöсын, сы вöсна мый юбилей пасйöм - абу сöмын праздник, но и кольöм кад донъялöм, ас муывьсаяс пöвстысь медбурьясöс нимöдöм, водзö вылö выль могъяс сувтöдöм.

Воысь воö миян чужан муным пыр мичаджык да югыдджык, а ми нимкодпырысь донъясям асланым вына да вежöра войвывьса муөн, сылөн помтöм-дортöм озырлунъясөн, кодъяс сетöны лача, мый локтысь йöз кутасны овны бурджыка.

Коми республикаса уна национальностъя йöзлы миян войвыв му - ас чужан керка, семья, ичöt рöдина.

Тайö нимöдан лунö сиам ставныдлы дзоньвидзалун, шуд, Коми республикалөн да Россиялөн сөвмөм могысь уджын вермөмъяс!

Праздникөн тиянöс, дона ас муывьсаяс!

«Кулөмдин» муниципальной районса юралысь -

районса администрацияөн веськөдлысь **Д.А.ШАТОХИН.**

«Кулөмдин» муниципальной районлөн Сöветса председател **А.Н.КОНДРАШКИН.**



**Кулөмдин районса дона йöз!**

«Комиэнерго» компанияса став энергетикъяс нимсянь чолöмала тиянöс Коми республикалы 90 во тырöмөн!

Тайö праздникыс öтувтö ставнымöс, кодъяс пыдди пуктöны асьыныс ичöt рöдина, кодъяслы тöдчана, кутшöмөн ми сийöс колям миян бөрся локтысь йöзлы.

Ми тыр правоөн вермам донъясьны республикалөн озыр историяөн да культураөн, сылөн экономической вынйöрөн, кодъяс лоöны сөвмөм да йöзлысь олöм бурмөдöм вылö зумыд подулөн. Пыр мичаджыкөн да ас динас кыскысьөн миян республика лоö танi олысь йöзлөн зиль удж, корсьысьöм да кывкутöм помысь.

Миян мог - мунны водзö, сөвмөдны республикалысь экономика да кыпöдны сёлöм кутöд. Талун республика вермө пöртны олмö медся кывкутан могъяс, кодъясöс сувтöдö сы водзö кад.

Асьяныс «Комиэнерго» вöчас ставсö, медым электроэнергетика отсалис водзö öтырышъя сөвмыны Коми республикалы.

Сиа тиянлы ён дзоньвидзалун, шуд, шаня öта-мөдöс кылöм, миян республикалөн дзоридзалöм могысь кыпыд удж.

«Комиэнергоса» директор,  
Госсöветса депутат  
**И.В.МЕДВЕДЕВ.**

**Василий ЛОДЫГИН**

### КОМИ МУЛЫ

Тэнö, дона Коми му,  
Чолöмалö Эжва йыв,  
Кодлөн коми олан ру,  
Кодлөн коми сыланкыв.

Кодлөн уджыс - му да вөр,  
Кодлөн гажыс - «Василей»,  
Кодлөн пиыс - сёлöмшөр,  
Кодлөн нылыс - майбырöй!

Кодлөн водзаыс оз вун,  
Сийö быттьö подув кер.  
Кодлөн аския эм лун,  
Сылөн сёлöм шонтан сер.

Тэкöд, дона Коми му,  
Сөвмö тшöтш и Эжва йыв.  
Тэкöд ловъя коми ру,  
Ловъя коми сыланкыв.

Тэкöд, дона Коми му,  
Некод миянöс оз чег.  
Водзö, югыдланьö ну,  
Ло вой эрдъяс вылас век.